

江蘇府縣志輯

中國地方志集成

增修甘泉縣志(一)

# 中國地方志集成

江蘇府縣志輯 ④3

光緒增修甘泉縣志(一)

江蘇古籍出版社 ● 上海書店 ● 巴蜀書社

責任編輯 薛飛  
封面設計 范一辛

中國地方志集成

江蘇府縣志輯④③

出版 江蘇古籍出版社

(南京中央路一六五號)


印刷 上海市印刷七廠

發行 新華書店


定價 上海發行所  
一七〇元

1991年6月第1版 1991年6月第1次印刷

ISBN 7-80519-257-X / K·137



光緒增修甘泉縣志(一)



(清)徐成勳等纂  
(清)陳浩恩等修

本書二十四卷首一卷圖一卷，據  
清光緒十二年（一八八五）刻本影印。

甘泉縣原志序

聖朝龍飛百年聲教覃敷丕冒海隅日出凡郡國州邑莫不有  
乘志以紀其山川風土民物上之職方同軌同文之盛  
互千百世以來未有若斯之臻其極者也揚州於漢時  
置縣曰廣陵曰江都廣陵在郭下江都在城之西南蓋  
兩縣並峙焉後或析置興縣齊甯縣或改名邗江縣江  
陽縣又或分本化縣揚子縣雖歷代省置更易不一要  
皆即廣陵江都兩縣地耳至元始併入江都為郡首邑  
則江都之地廣政繁可知矣雍正十年制撫請析縣以  
分理之境有甘泉山嶄然特起象應天樞說者謂為地

增修甘泉縣志

原序

脈所鍾靈因並請名其縣曰甘泉

世宗憲皇帝制下曰可由是而甘泉遂與江都同治郭下猶昔  
之江都廣陵相依輔也夫邑之有甘泉自今始則其川  
川風土民物不容不經紀以別於江都使當時後世之  
有所稽考余忝守是邦嘗進長斯邑者而趣其所宜有  
事草創則吳令執其勞討論修飾則張令殫其力校雠  
潤色則王令要其成更三人而甘邑之新志乃克以備  
觀覽焉其授之梓也則薦紳汪光祿肩費於前令子甯  
波太守繼志於後得濟美而新志之簡編乃克以資流  
布焉信乎著書之難而大力之舉之非易易也今既告

朝廷

終事矣閱者固可開卷粲然援據古今於江甘犬牙出  
制之中確得其分合異同之跡於以知

風則載筆而弁其端者亦職守之所未可諉且謝者歟  
是為序

乾隆八年秋七月既望

特授中憲大夫知揚州府事加二級紀錄入次襄平高士鑰書

增修甘泉縣志

原序

二

甘泉縣原志序

有一縣必有一縣之志凡以使一縣之土俗民風罔有遺佚異日供輶軒之采而備國史之全胥賴是也辛酉四月宏運始蒞甘泉甘泉為新設縣舊合江都事皆與江都並載自雍正十年分立後甘泉遂無志余亟謀所以志之而前令吳君已請太守高公轉請各上憲允其創立屬稿未就宏運步其後塵因與邑之賢士大夫商推考證始竣厥事蓋一縣之大經曰政事曰教化

聖天子仁育義正赫聲濯靈在宥天下以江都事繁分析此縣苟不昭之以文明整之以軌物甚非所以致敦龐而臻

增修甘泉縣志

原序

三

上理也

宏運

奚敢且紀載之書不立又何以使一道同

風之治傳之永乎爰分三十九門斟酌裁定上遵

憲典旁披藝林期無乖謬遺漏而止

本朝人物其有樹勛名修德行爛然於耳目聞者固備載

之以為此邦之式若夫一節之善一技之長亦必分類

以紀不敢湮沒不彰此則區區自盡之心也載稽曩昔

順治間有施閩章海鹽志康熙時有陸隴其靈壽志皆

昭代大手筆近則陸觀察師儀徵志亦詳而有體贍而有

文可以為志家法是編仿朱彝尊日下舊聞例冀可以

傳世而行遠自愧簿書鞅掌謫陋粗疎不堪竊附於作

者然闡幽表微徵信核實苦心所在惟慎惟嚴十閱月而載厥事焉後之君子若欲叩是編之所起與鄙意之所歸則具例言二十四則於左方可覆按而知也時乾隆七年歲次壬戌八月望日文林郎知江南揚州府甘泉縣事江夏張宏運序

增修甘泉縣志

原序

四

甘泉縣原志序

邑之有志與國史同功歷代之沿革損益與夫山川民物學校農桑皆在所志苟考核不詳即無以徵信於異日此非才學識三者兼備未可以苟且作而且以作者之從此始為尤難也我

朝歷聖相承仁漸義摩雖山陬海澨無不喁喁嚮風鼓舞昇平而揚州當南北之衝皇華載路運艘飛帆賈客商民水陸駢集城郭之雄麗人物之豐繁垂諸紀載自足光海內而傳之奕禩者矣

世宗憲皇帝諭令各省制撫增修通志務以精當為期則凡有

增修甘泉縣志

原序

五

志無不精詳考據不致有闕且濫稍留遺憾獨是甘泉為江都分縣其幅員遼廣自當與江都分志於分之中而據拾旁按遠稽前代近著

本朝凡甘泉所分有者皆甘泉所應有者也宰斯邑者按其圖籍歷歷可據於以化民成俗聲名文物上躋醴龐他日太史所陳職方所掌亦足以驗東南分邑能宣

天子德意而納民於軌物也不亦偉歟

熙泰 于壬戌之冬承乏

斯土竊謂有分邑不可無分志詢邑之紳士僉云從前舊令已經請命而各憲悉以為宜創之者霑化吳君繼之者江夏張君考證古今分門別類若網在綱有條

而不紊熙泰校讐增損固有垂成之任第自愧筮仕以來筆墨久荒而甘邑政務旁午尤無暇擗管安贊一詞

然又不能以不文諉所幸編輯之功業已成書其閒或有未備不過略加潤色勉步諸君之後而已然則是書之成前人之功力固多余之用力較少其盡心則先後無異焉後之覽者知甘泉為分縣即有分志志之不易作而作自今始時

乾隆八年歲次癸亥桂月望日文林郎知江南揚州府甘泉縣事蓋州王熙泰序

增修甘泉縣志

原序

六



甘泉縣原志 凡例計二十四則

一縣設於雍正十年土地人民既有專屬章程圖籍宜訂成書宏運忝竊守土敢不綜稽方冊博采輿論統統載筆以揚

德化於是列為三十九門部分類從期於不蔓不支而止不敢

簡率以從事也

一此志之體裁仿朱太史竹垞日下舊聞例採用書史成語不加增損並注所引書名見所從來間有竊附己意者則加一按字以別之

一凡志各門前必用韻語為引後必有贊語數行是編增修甘泉縣志 原志凡例 七

論斷悉散見於各條故前後俱不贅一辭

一門類次第原無一定志之所重固不繫乎此然牽合割裂茫無頭緒亦未免失志家體是編悉本雍正揚州府縣志類次縷列間有一二分併如河防水利之類皆關繫運道民生最鉅者故另列其門以備修浚參考非敢意為因革也識者自能辨之

一煮海為鹽乃食貨之大者甘泉雖止銷食鹽而其地為鹽萃集之所亦有關於土俗故志之民賦後

一學宮在駱駝嶺其來已久前人之碑碣尚存舊日之棟梁已朽而自江甘共學以來榷柄一新規模加廓

祭器樂器備於當年迥非舊志所能彷彿故志學校

一門惟以太守高公重建三學碑文為準

一學田之設原以供學校自應照例並載至書院數區不論存廢一併附入亦以徵教養之全也

一軍政之志大都紀歷代兵革之事而以封建附之似未妥協故是編止載

本朝設立營制衛制郵傳之政巡緝之兵至歷代兵革則另備世紀中不更贅

一祠祀必以頒之禮官者為定今社稷城隍江甘共祀世廟特設先農壇甘泉另有其地 關聖祠亦各承其事

增修甘泉縣志 原志凡例 八

至於諸神祠廟不一其區悉照舊志登之不敢意為去取

一建置官廨或遷改或裁廢仍存其名與地橋梁渡口總在通津故附之山川至於寺觀雖無足重輕然亦未可頓廢姑別為一帙以存之

一冢墓之有專記自李彤皇甫鑿始今甘泉有劉厲王冢俗訛為琉璃王冢不可不為考正其他名阡古窆甚多俱不可付之荒煙蔓草故志之古蹟後

一江淮閒地稱要害自春秋吳楚以來如漢之安海唐之高畢五代之楊李皆藩鎮之跋扈者稱兵殆無虛

日舊志略綴其事於軍政門內今仿日下舊聞例列  
世紀一門歷代大事包舉其中

一舊志封建附軍政門今考荆吳江都廣陵之爲王皆  
在此地誠有不可略者故志封爵于世紀後

一凡志皆言考古蹟矣而古蹟不易考也況江甘本屬  
一地是編所載古蹟皆甘泉境內者疆理井然不容

混也

一縣雖新設合之往昔郡國志書正當漢廣陵縣故地  
故自昔有統轄茲土者有牧守茲土者偉績大猷爛  
然可紀卽江都舊令有造於斯地者亦一一采入名

增修甘泉縣志

原志凡例

九

宦崇德報功庶無闕略蓋亦猶趙苞之令廣陵徐甯  
之治輿縣爲江都名宦之始耳

一歷代選舉皆以江都爲本籍今無從分析故仍舊志  
其在分縣後則兩地較然所宜區別

一史家列傳原以待名臣宿德若夫孝義篤行循吏儒  
林等傳則各就其人目之志家仿此多分名目所以  
區別各種人材耳今仍循舊例分繫之

一本縣人物歷世久遠莫考其里居故全依舊志登載  
至若

本朝賢哲士著某鄉某鎮與列第於新舊兩城確有分界

不敢借才

一聞康熙雍正開江都有陸李二志李志所收人物太  
寬爲輿論所不服故陸明府起而正之非得已也至  
節婦一門有議其刪削太多者蓋或以年例不符或  
以事節未著亦非涉於過刻是編將已奉

旌表已登府縣志者概爲登錄其本家陸續具呈從而核實  
者俱用雙行備錄以俟采舉

一舊志從無碑碣一門有之自是編始蓋緣古來遺蹟  
竟有史冊所不載而金石鐫之確可傳信者卽維揚  
近歲東鄉民掘地得揚吳潯陽公主墓志一石豈不

增修甘泉縣志

原志凡例

十

可以補十國春秋之缺乎志碑碣亦以廣稽古也  
一經籍之有志助自漢書今志家往往有此是編分經  
史子集起至選刻止而此地有康熙間奉

勅編纂校刻之書洵足寶也

一藝文之志非以誇文詞鬪聲華也蓋必有經濟之實  
可以見諸施行有關於綱常名教與夫

國計民生者而後乃載之簡策傳之永久故是編之去取  
原不在語言文字間也有心世道者或共諒之乎

一邑之有志所以志一邑之所獨原無取乎同也其有  
得同者又不可以立異如傳記直書某某之類此史

家書法為體例之當從者故一仍其舊

一此志始基於前令吳君而續成於宏運以中多宏運更訂知不免挂漏之譏誠不欲以過歸之非敢泯其迹掩其功也茲並著於此以俟世之知者

增修甘泉縣志

原志凡例

七

甘泉縣原志

修志職名

監定

江南揚州府知府高士鑰

總輯

江南揚州府甘泉縣知縣吳鶚峙

江南揚州府甘泉縣知縣張宏運

江南揚州府甘泉縣知縣王熙泰

原任翰林院編修葉長揚

原任翰林院檢討掌江南道吳濤

同輯

增修甘泉縣志

原志修志職名

七

浙江貢生朱星渚

舉人厲鶚

貢生施安

生員張燿

監生陳章

杭州廩生吳可馴

揚州舉人馬榮祖

江甯進士王元衡

捐刻

特授光祿寺少卿又議敘加五級汪應庚

浙江甯波府知府汪起

增修甘泉縣志

原志修志職名

三

甘泉縣原志目錄

卷首

序文 凡例 職名 目錄 圖式

卷第一

建置沿革 有表

星野 詳異附

卷第二

形勝

疆域

城池

卷第三

山川 橋渡附 河防

水利 陂塘附

卷第四

增修甘泉縣志

原志目錄

四

風俗 物產

卷第五

賦役 戶口 軍政 鹽法

卷第六

世紀 封爵

卷第七

學校 職官 廨宇

卷第八

選舉 附封磨

卷第九

名宦 祠祀

卷第十

寺觀

卷第十一

古蹟上

卷第十二

古蹟下 塚墓

卷第十三

人物上

卷第十四

增修甘泉縣志 原志目錄

十五

人物下 忠節 孝友 篤行 文苑 武勳

隱逸 戚晚附百齡人瑞 寓賢 方伎 仙釋

卷第十五

列女

卷第十六

碑碣 經籍

卷第十七

藝文上

卷第十八

藝文中

卷第十九

藝文下



卷第二十

叢綴

增修甘泉縣志 原志目錄

十六

# 圖式





增修甘泉縣志

甘泉縣志圖

圖



三




增修甘泉縣志

圖


四



增修甘泉縣志  
安天書院圖




圖




五

增修甘泉縣志  
柳花書院圖



圖



六



